

# En bustab pi bel tgi l'oter

Alvagni: Emda digls gis roials agl Principadi da Belfort

■ (anr/pd) En'antier'emda è nia giuia, striuno e fatg caligrafia, vot deir scretg bagn. Fatg part all'occurrenza on manevel 80 persungas, indigens e giasts. Unfans dad 11 onns anfignen pensiunos. Igl responsabels èn fitg cuntaints cun la participaziun. Responsabel per chell'emda da gis è igl Principadi da Belfort. Alla fegn dall'emda ò igl directer dalla canzleia statale, *Thomas Kollegger* anvido ad en gir tras vischnanca. Aint igl decurs digl onn d'uffezi digl prenzi *Peter I.* on gia li ad Alvagni occurrenzas da tot gener. Siva digl meis d'avregl digl onn passo è igl pi pitschen principadi digl mond sainza regent u detg oter sainza prenzi. Persiva exista anc la canzleia statale e directer da chella è *Thomas Kollegger*, igl anteriour mastral d'Alvagni. Er sainza regent resta igl pitschen principadi activ, vot deir i vign adegna fatg ensatge per indigens e giasts. Per la sagonda geda siva digl 2008 è nia organisò en'emda divertenta per tots chels tgi on gia placheir da far gis, far strign e screiver an bela caligrafia.

## Daple muvaint tgi igl solit

A tgi tgi è passo tras vischnanca ad Alvagni alla fegn dall'emda passada è crudo se, tgi ve dallas diversas fatschedas dalle tgesas eran pandias transparents u banderolas tgi vusevan or scu placats. Sen chels eran scretgs versets da totta sort, an tudestg, cun calour neira e co-tschna, cun ena scritgira enpo speziala,



Las persungas tgi èn responsablas per l'emda digls gis roials ed igl curs da caligrafia ad Alvagni: *Martin Herzberg, Roberto Mazzuchelli, Gaby Hassler, Emma Beer e Markus Beer (da san.)*.

FOTO P. DOSCH

ena scritgira humanistica digl 14avel tschentaner tgi vign numnada caligrafia. Veiramaintg ovras or digl scriptori digl Principadi. Mintga participant ò dastgea tscherner igl sies text u crear en agen per la sia banderola. La donna indigena, *Marianne Platz* ò fatg part per l'amprema geda agl curs da caligrafar tgi ò cuzzo treis deis. Piglia part a chel curs vegia ella perchegl tgi ella screiva e malegia gugent, ella seia ena donna creativa, ò ella detg. Ella vegia profito bier. Igl caligraf *Roberto*

*Mazzuchelli* digl atelier «pixpen» da Basilea vegia declero cler e bagn la tgossa. Ins vegia gia ena gronda libertad da s'exprimer e pertge betg far ensatge uscheia cura tg'ins vegia la pussebladad, e chegl anc segl manevel, ò *Marianne Platz* ma-

nagea. Er fitg interessant seia sto da luvrar an ena gruppa, els eran gist oterg participantas e participants. Luvrar e sa gidar an cuminanza seia sto fitg bel e mintgign vegia savia profitar l'egn da l'oter. Per igls ples ensatge tot nov era er igl material e la tecnica.

## Screiver bagn è betg do a mintgign

Screiver cun ena bela caligrafia seia navot oter tgi screiver bagn. I dovra en tant habilitad ed anschign e surtot pazientg, ò igl manader *Roberto Mazzuchelli* managea. Per mintgign tgi so screiver seigl ensatge da nov, screiver cun igl penel e cun calour d'acril tgi è resistent all'ora e sen ena teila/fozia, er numnada palpieri giapunes cun en'otezza da 2,4 m ed ena largezza da 90 cm. Ins veva da partair aint bagn igl spazi e chegl è succedia cun far lengias. I seia gartagea nunspitgeidamaintg bagn, individual e mintga banderola vegia uscheia survagnia en oter caracter tenor igl manader *Roberto Mazzuchelli*.

Er igl directer dalla canzleia statale, *Thomas Kollegger* teira ena bilantscha positiva. Igl augmait da participantas e participants dat curasch da cuntinuar aint igl madem rom igl onn 2010. Las occurrenzas seian ossa ancunaschaintas e las capacitads seian er avant mang.

Igl 30 d'avost ò li la terza festa statale digl Principadi da Belfort ed igls 17 d'otgover dattigl vegn digl Principadi noua tgi tots subdits dalla curt èn anvistos.

reclama

www.volkswagen.ch

# Heute: Polo-Night.



**Bereit für eine neue Klasse:  
der neue Polo.  
Die grosse Premiere bei  
Ihrem Volkswagen Partner.**

**Anlass: die Polo-Night  
Datum: heute, ab 19.00 Uhr**

Reservieren Sie sich gleich auch das Wochenende, und feiern Sie mit uns das grosse Sommerfest mit vielen Highlights und Überraschungen. Ihr Volkswagen Partner freut sich auf Ihren Besuch.

**Sommerfest:  
10./11. Juli.  
Feiern Sie mit uns  
den Autosommer.**



Das Auto.